

Awor Felipe a **buska i haña** Natanaèl i a bis'é: "Nos a haña **Esun di Kende Moisés** a skirbi den e **Lei** i di **Kende e Profetanan** tambe a skirbi. Ta **Hesus di Nazarèt**, yu di Hosé." (**Juan 1:45**).

Yeshua; Hesus di Nazarèt: e Amor di Dios Tata.

Dios Tata Su Amor ta pa Eternidat!

Keridonan, laga **nos Stima** otro, pasobra **Amor** ta bin **di Dios**; i tur ku ta **Stima** ta nasí **di Dios** i konosé **Dios**. Esun ku no ta **Stima** no konosé **Dios**, pasobra **Dios ta Amor**. Pa medio di esaki e **Amor di Dios** a wòrdu manifestá den **nos**, ku **Dios** a manda **Su Único Yu** den mundu pa **nos** por a biba pa medio di **DJE**. Den esaki **Amor** ta konsistí, no ku ta **nos a Stima Dios**, ma ku ta **EL a Stima nos** i a manda **Su Yu** pa ta e **Propisiasion**, e **Sakrifisio pa pordon**, pa **nos pikánan**. Keridonan, si **Dios a Stima nos** asina tantu, **nos** tambe mester **Stima** otro. Ningun hende no a mira **Dios** nunca; si **nos Stima** otro, **Dios** ta **Permanesé** den **nos**, i **Su Amor** ta wòrdu hasí **Perfekto** den **nos**. Pa medio di esaki **nos** sa ku **nos** ta **Permanesé** i **keda Realmente Perfekshoná** den **DJE** i **E** den **nos**, pasobra **EL** a duna **nos di Su Spiritu**. (**1 Juan 4:7-13**)

Dios Tata Su Amor ta pa Eternidat!

Asina **SEÑOR** ta bisa: "**No siña e kustumbernan pagano di e nashonnan**, i **no spanta** pa e **señalnan di e shelunan**, maske e **nashonnan pagano** ta morto spantá pa nan; pasobra **kustumber di e pueblonan pagano ta Banidat; nan ta kap un palu den mondi será**, pa **traha un dios**, i ku su **hèrmènt un hòmber di ofishi ta kòrta un forma den djé**. Nan ta **dòrná e palu ku plata i oro**; nan ta pega e **palu ku klabu i martin**, pa e **no kènter**. (**Jeremias 10:2-4**)

Dios Tata Su Amor ta pa Eternidat!

I e lo **papia kontra**, **ofendé Dios Altísimo** i lo **persigú** e **Santunan di Dios Altísimo**, i e lo purba di **hasi kambio den e dianan fihá i leinan**; i e **Santunan** lo wòrdu entregá **den su man pa un tempu, tempunan i mitar di un tempu**. 'Ma e **Tribunal Selestial lo sinta pa husga**, i **su dominio lo wòrdu kitá**, **eliminá** i **destruí pa semper**. E ora ei e **Soberania**, e **Dominio** i e **Grandesa** di **tur e Reinonan bou di henter shelu** lo wòrdu duná na e **pueblo di e Santunan di Dios Altísimo; Su Reino** lo ta **un Reino Eterno**, i **tur e dominionan lo Sirbi E i Obedesé E**. (**Daniel 7:25-27**).

Dios Tata Su Amor ta pa Eternidat!

Ta pa e motibu aki despues di a duna e **10 Mandamentunan**, **Dios Tata** bisa No traha **otro diosnan** fuera di **Mi**; no traha pa boso mes **diosnan** di **plata** ni **diosnan** di **oro**. (**Éksodo 20:23**). Un biaha mas **Dios Tata** ta papia over di **diosnan falsu**. E imagennan grabá di **nan diosnan** bo mester **kima ku kandela**. **No kudishá e plata** ni e **oro** ku tin riba nan, ni tuma esaki pa bo mes, pa e no bira **un trampa** pa bo, pasobra e ta **un abominashon** pa **SEÑOR** bo **Dios**. No trese **un abominashon** den **bo kas**, pa bo no bin bou di **maldishon** meskos kuné; **odi'é** di henter **bo kurason** i **abores'é** di henter **bo kurason**, pasobra e ta un kos **maldishoná**. (**Deuteronomio 7:25-26**)

10 desèmber 2018

Sea Bendishoná den e Amor di Yeshua Mesias

Rev. Remsly L Riley